

# GÁSTA RUOVTTUS

- 1 Dát vuohki geavahuvvo go mánná gásttašuvvo ruovttus.
- 2 Gásta ruovttus gáibida ahte unnimusat nubbi váhnen miehtá dasa. Váhnemät berreba leat mielde. Galget leat unnimusat guokte duodašeaddji mielde gásttašeaddji lassin.
- 3 Duođašeaddjit eai leat risváhnemät, muhto duođaštit gástta. Muđui sis eai leat geatnegasvuodat. Váhnemät sáhttet mađjil mearridit geaid dáhttot máná risváhnemin go mánná risttašuvvo.
- 4 Gástta mađjil gástačázi berre leiket heivvolas báikái, omd. olggobeallái, viessoseainni gurrii gos ii dulbmojuvvo.
- 5 Gásta dieđihuvvo suohkanbáhppii nu fargga go vejolaš.

## 1 Álggahansálbma

## 2 Álgaheapmi

Gásttašeaddji cealká:

Jogo A

Áhči ja Bárni ja Bassi  
Vuoinjña nammii.

Dahje B

Árbmu lehkos dinguin  
ja ráfi Ipmil Áhčisteamet  
ja Hearrámet Jesus  
Kristusis.

Dasto joatká:

Mii leat čoagganan dása gásttašit *dán máná* gean Ipmil lea addán didjiide. Gásttas Ipmil addá *sutnje* bestojumis ja váldá *su* kristalaš girkosis.  
Gásttašeaddji sáhttá dasto doallat sártni.

## 3 Sálbma

## 4 Gástagohčun

Gásttašeaddji:

Gullot Hearrámet Jesus Kristusa gohčuma bassi gástta birra:

Munnje lea addojuvvon buot fápmu almmis ja eatnama alde. Vulget dahkat buot álbmogiid máhttajeaddjin ja gásttašeeket sin Áhči ja Bárni ja Bassi Vuoinjña

nammii ja oahpahettiin sin doallat buot dan maid mun lean gohčon din doallat. Ja gehčet, mun lean dinguin buot beivviid gitta máilmimi loahpa rádjái.

Matt 28,18-20

Gullot dasto man ustitalččat Jesus váldá uhca mánážiid vuostái ja rabasta sidjiide Ipmila riikka:

Sii gudde uhca mánážiid Jesusa lusa vai son guoskkahivčii daid, muhto máhhttájeaddjit šiggo sin. Go Jesus oinnii dan, de moaráhuvai ja celkkii sidjiide: "Diktet uhca mánážiid boahtit mu lusa, allet ge hehtte sin! Dasgo Ipmila riika gullá dakkáraččaide. Duođaid, mun cealkkán didjiide: Dat guhte ii vuostáiváldde Ipmila riikka nugo uhca mánáš, ii eisege beasa dan sisa." Ja son válddii sin sallasis, bijai giedaidis sin ala ja buressivdnidii sin.

Mark 10,13-16

De mii ge guoddit giitosiin ja oskuun bassi gástii mánáideamet Hearrá lusa bassi gásttas. Sii leat riegádan suttolaš olmmošsohkagottis, muhto gásttas sii šaddet Ipmila mánnán ja riegádit ođđasis Bassi Vuoinjja bokte.

## 5 Biehttaleapmi ja osku

Gásttašeaddji:

Dovddastehkot biehttaleami ja oskku masa mii gásttašit mánáideamet.

Buohkat čuožžilit.

Jogo

**Buo** Mun biehttalan beargalagas

ja buot su daguin  
ja buot su meanuin.

Mun oskkun Ipmil Áhččái, buotveagalažžii,  
almmi ja eatnama sivdnideaddjái.  
Mun oskkun Jesus Kristusii,  
Ipmila áidnoriegádan Bárdnái, min Hearrái,  
guhte sahkanii Bassi Vuoinjas,  
riegádii nieiddas Márjjás,  
givssiduvvui Pontius Pilatusa áiggi,  
russiinávlejuvvui, jámii ja hávdáduvvui,  
njiejai jábmiid riikii,  
bajásčuožžilií jábmiid luhtte goalmmát beaivvi,  
manai bajás albmái,

čohkká Ipmila, buotveagalaš Áhči, olgeš gieđa bealde,  
máhccá doppe dubmet elliid ja jábmiid.

Mun oskkun Bassi Vuignjii,  
bassi oktasaš girku,  
bassi olbmuid searvevuodža,  
suttuid ándagassii addojumi,  
oačči bajásčuožžileami  
ja agálaš eallima.

Amen.

Apostallaš oskkudovddastus

Dahje

**Buo** Mun oskkun Ipmil Áhči ala, buotveagalačča,  
almmi ja eatnama sivdnideaddji.

Mun oskkun Jesus Kristusa ala,  
Ipmila áidnoriegádan Bártni, min Hearrá,  
guhte sahkanii Bassi Vuoinjña bokte,  
riegádii nieida Marias,  
givssiduvvui Pontius Pilatusa vuolde,  
russiinávlejuvvui, jámii ja  
hávdáduvvui,  
vuolás manai jábmiid riikii,  
bajásčuožžili jábmiid luhtte goalmmát beaivvi,  
bajás manai albmái,  
čohkká Ipmila, dan buotveagalaš Áhči, olgeš gieđa bealde,  
galgá doppe fasttain boahtit dubmet elliid ja jábmiid.

Mun oskkun Bassi Vuoinjña ala,  
bassi oktasaš girku,  
bassi olbmuid searvevuodža,  
suttuid ándagassii addojumi,  
oačči bajásčuožžileami  
ja agálaš eallima.

Amen.

Apostallaš oskkudovddastus

Buohkat čohkkedit.

## 6 Gásta

Čáhci leikejuvvo heivvolaš lihttái.

Gásttašeaddji:

Rohkadallot.

Hearrá Jesus Kristus, don leat cealkán ahte ii oktage beasa Ipmila riikii muđuid go riegáda odđasis čázis ja Vuoinjas. Mii giitit du go gástta čáhci du sáni bokte lea árpu mu ája, mas don ovttastahtát min duinna ja attát midjiide oasi dan vuottus man don vuitet jápmimiinnát ja bajásčuožžilemiinat. Dál mii boahtit du sáni mielde ja rohkadallat dus, Hearrá, ahte odđa riegádeapmi šattašii du sivdnideaddji Vuoinja bokte.

Mánná buktojuvvo gástalihti lusa. Váhnemat ja vihtanat čuožžilit.

Gásttašeaddji:

Mii lea máná namma?

Son guhte guoddá máná, namuha máná ovdanama.

Gásttašeaddji:

Dáhttubehtet go (máná ovdanamma namuhuvvo) gásttašuvvot Áhči ja Bártni ja Bassi Vuoinja nammii ja bajáspressojuvvot Kristalaš biehttaleami ja oskku siste?

Son guhte guoddá máná, vástida: De dáhttut.

Gásttašeaddji:

Ipmil várjalehkos du olggosmannama ja du sisamannama dálážis ja agálaš áigái. Mun merken du bassi ruossa mearkkain, † duođaštussan ahte don gulat russii-návlejuvvon ja bajásčuožžilan Jesus Kristusii ja oskkut sutnje.

Ruossa merkejuvvo gállus raddái, ja dasto oalggis oalgái.

Hearrámet Jesus Kristusa sáni ja gohčuma mielde mun gásttašan du Áhči ja Bártni ja Bassi Vuoinja nammii.

Cealkkedettiin dán gásttašeaddji goive giedain čázi golmma geardde máná oaivvi ala.

Gásttašeaddji bidjá giedja máná oaivvi ala ja cealká:

Buotveagalaš Ipmil lea dál addán dutnje Bassi Vuoinjas, dahkan du mánnánis ja válđán du oskkolaš searvegoddásis. Son nannešii du árpuuinis agálaš eallimii. Ráfi lehkos duinna.

## 7 Rohkos

Gásttašeaddji:

Rohkadallot Hearrá rohkosa.

Jogo

**Buo** Áhcčámet, don guhte leat almmis!

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Atte midjiide min puttuid ándagassii,

nugo mii ge ándagassii addit velggolaččaidasamet.

Ale ge doalvvo min geahččalussii,

muhto beastte min bahás.

Dasgo du lea riika ja fápmu ja gudni agálašvuhtii.

Amen.

Dahje

**Buo** Áhcčí min, don guhte leat almmis!

Basuhuvvos du namma.

Bohtos du riika.

Šaddos du dáhttu

mo almmis nu maiddái eatnama alde.

Atte midjiide odne min beaivválaš láibámet.

Ja atte midjiide min puttuideamet ándagassii,

nugo maiddái mii ándagassii addit min velggolaččaidasamet.

Ale doalvvo min geahččalusa sisa,

muhto beastte min bahás eret.

Dasgo du lea riika ja fápmu ja gudni agálašvuhtii.

Amen.

## 8 Sálhma